

MULLERES E CULTURA URBANA.

II XORNADAS DE FALADOIROS E JAM ARTÍSTICA

CONVOCATORIA DE 7 PRAZAS PARA PARTICIPAR NA II DELAS JAM

A **Delas JAM** naceu en 2020 coa vontade de facilitar espazos seguros e libres de violencias machistas para a creación experimental, o diálogo e o intercambio de experiencias entre mulleres artistas nun contexto lúdico.

Co fin de apoiar e promover a implicación neste encontro de improvisación pictórica, desde 7H Cooperativa Cultural, co apoio da Xunta de Galicia e a colaboración da Cidade da Cultura, lanzamos esta convocatoria para seleccionar a 7 mulleres artistas que queiran participar no evento atendendo ás seguintes bases:

1. DESTINATARIAS:

Esta convocatoria está dirixida a escritoras de graffiti e artistas de calquera nacionalidade de 18 anos en diante.

2. TEMÁTICA:

As artistas disporán de total liberdade para crear as súas intervencións, sen que existan limitacións respecto á temática e/ou execución artística.

3. LUGAR E DATA:

Esta segunda edición da Delas Jam celebrase o sábado 4 de setembro de 2021 no Xardín do Teatro da Cidade da Cultura de Santiago de Compostela. Terá lugar en horario de 17:00 a 20:00h e celebrase no marco das xornadas Mulleres e Cultura Urbana.

4. CONDICIÓN DE PARTICIPACIÓN E COMPROMISOS DA ORGANIZACIÓN:

Cada artista seleccionada percibirá, pola súa participación, 300€ en concepto de cesión de dereitos de explotación. Dita cantidade estará suxeita aos impostos legamente aplicables.

A organización facilitará a cada participante 7 botes MTN 94 na gama cromática previamente sinalada na solicitude. Igualmente, entregaranse a cada artista as caps necesarias para a súa intervención.

A dimensión total da superficie para intervir será de 4 metros de longo x 1 metro de alto, aproximadamente. As pezas realizaranse sobre papel de celofán e manteranse no

espazo público como intervención efémera durante unha semana.

A organización comprométese a dar difusión a todas as intervencións artísticas realizadas no marco da convocatoria.

5. SOLICITUDE:

A candidatura realizarase exclusivamente a través de medios electrónicos mediante o envío dun correo a 7hcoop@7hcoopgal antes do xoves 19 de agosto de 2021.

Cada solicitude deberá incluír:

- Datos persoais: nome completo, DNI ou documento equivalente, data e lugar de nacemento.
- Dossier artístico no que consten, como mínimo, 5 pezas individuais realizadas con anterioridade á convocatoria.
- Carta de motivación. Como non é preciso presentar bosquexo da peza a realizar, a solicitante debe indicar as súas motivacións para participar nun texto de 850 caracteres (espazos incluídos) como máximo.
- Listaxe de materiais na que se indique a gama cromática seleccionada e se xustifique a necesidade de empregar outros materiais achegados pola artista.

6. RESPONSABILIDADES DAS ARTISTAS E DEREITOS DAS ARTISTAS:

- As participantes realizarán a súa intervención unicamente nos espazos concretados pola organización e unicamente durante o 4 de setembro —día previsto para o evento— entre as 17:00 e as 20:00 horas. Debido á actual situación sanitaria, cada artista deberá levar máscara durante o evento e gardar as distancias de seguridade pertinentes, tal e como indique a organización do evento e seguindo a normativa vixente nesa data.
- O custo de desprazamento e aloxamento, se fosen precisos, corren por conta de cada artista.

• É responsabilidade das artistas manter o carácter feminista e sororo da xornada. Non se tolerarán contidos e/ou comportamentos misóxinos, xenófobos, homófobos ou que, de calquera outro xeito, atenten contra a dignidade das persoas.

• As artistas ceden os dereitos non-exclusivos de reprodución das súas obras a 7H Cooperativa Cultural e á Xunta de Galicia con atribución da súa realización durante a Delas Jam para a súa reprodución impresa ou dixital con fins de comunicación e difusión sen ánimo de lucro.

• Os datos e a información incluída nas solicitudes serán tratados de conformidade co establecido na lexislación vixente en materia de protección e tratamento de datos persoais (Lei Orgánica 15/1999, de 13 de decembro, de Protección de Datos de Carácter Persoal e a súa normativa de desenvolvemento). As artistas ceden os seus datos de contacto (correo electrónico, nome e apelidos) a 7H Cooperativa Cultural exclusivamente para que esta informe dos seus proxectos e actividades. Os datos facilitados só serán empregados con este propósito e en ningún caso serán vendidos e/ou empregados por terceiros, podendo revocar esta cesión en calquera momento.

O envío da solicitude implica a aceptación total das bases desta convocatoria.

7. CRITERIOS DE SELECCIÓN E RESOLUCIÓN:

Un xurado integrado pola directora de acción cultural da Cidade da Cultura, a presidenta de 7H Cooperativa Cultural e a directora da Montana Gallery seleccionará as artistas participantes. Os criterios a valorar serán a calidade artística, a traxectoria das aspirantes e a coherencia do seu traballo coa liña feminista da actividade.

O fallo comunicárase persoalmente ás aspirantes seleccionadas e a listaxe completa será difundida publicamente o martes **24 de agosto de 2021**.